



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**F. Cornelii Cvrtili Cæsarei Consiliarij et Historiographi  
Ordinis Eremitarum S. Avgvstini S. Nicolavs Tolentinvs  
alijque aliquot eiusdem Ordinis Beati**

**Curtius, Cornelius**

**Antuerpiæ**

22. Ludos virum sanctum diabolus facit.

**urn:nbn:de:hbz:466:1-37243**

Non multum temporis interces-  
 fit, cum alios ludos edidit Stygius  
 ille paratragœdiator: ita nullas aut  
 breves ferias dabat homini sancto.  
 Fortè tunicam suam oppidò lace-  
 ram interpolabat NICOLAUS: cum  
 pannos illi furtim subducit impro-  
 bus histrio. Jam in quæstione eos  
 diu habuerat pius sarcinator neque  
 reperiebat; & Quis me, ait, ô Di-  
 vi, tam insigni ludibrio habet? Ille,  
 nisi fallor, meus hic ludificator est,  
 indignus à me nominari. Con-  
 tumeliam hanc non potens conco-  
 quere superbus Genius, subitò pro-  
 filit ex ultimo angulo, & Thra-  
 sonicè se infert, *Ita est, ait, ego ipse  
 id feci, ego ipse.* Sciscitanti NICO-  
 LAO, Quis ergo esset? respondit ar-  
 roganter: *Ego. Belial sum, qui per dius  
 pernioxq; lateri tuo adhæreo, nec infesta-  
 re desistam usque dum impatiens ad  
 laqueum curras. In rosâ & plumâ  
 molli huc usque te collocavi, prout de-  
 inceps accepturus sum. Senties, quid fi-  
 ducia opisq; tibi esse queat in frigidis  
 istis tuis jejuniis & anilibus precibus.*  
 NICOLAUS impavidus, *Tuas mina-  
 cias*

22.

Ludos vi-  
 rum san-  
 ctum dia-  
 bolus fa-  
 cit.

B II  
 36 c

*cias, inquit, non flocci facio. Quod mihi intriveris, tibi id omne exedendum erit. Totum Acheronta, per me licet, evoca. Dominus mihi adjutor: & ego despiciam inimicos meos, si consistant adversus me castra, exurgat adversum me praelium, non timebit cor meum.*

23.  
Iterum  
cæditur  
ab Orco  
crudelif-  
sine.

Non erant minæ omnino evanidæ, quas Erebi tyrannus intentaverat. A templo, cujus fores occlusas repererat, concedebat, quò sæpius assueverat, in triclinium NICOLAUS, ut ad Crucifixi imaginem, quæ in eo erat, genuflexus, precibus vacaret intereâ, dum ad preces Matutinas æris campani signo vocaretur. Ibi, veluti ex insidiis prorumpere cacodæmon, & ingredientem præ foribus vi magnâ invadere, larvarum stygiarum totæ simul legiones irruere, sternere, cædere denique ad internecionem. Pro mortuo deponi potuisset: dolóri enim corpus exanime succubuerat. Sed paullò pòst sibi aliquantulum redditus, in nomine IESU Crucifixi se in pedes erigit, iturítque quò antè destinârat. Ecce inferni canes rabidi